

Ajoqusernermut sillimmasiisarfinnut inatsisitigut qularnaveeqqusiiinermut aninggaasaateqarfik pillugu inatsisip Kalaallit Nunaannut atuutilernera pillugu peqqussut

UAGUT MARGRETHE APPAAT, Guutip saammaanneragut Danmarkip Dronningia,
nalunaarpugut:

§ 21 naapertorlugu ajoqusernernut sillimmasiisarfinnut inatsisitigut qularnaveeqqusiiinermut
aninggaasaateqarfik pillugu, takuuk inatsit nalunaarutiniittoq nr. 419 maajip 1-iat 2007-imeersoq
naapertorlugu aalajangerneqarpoq, inatsit Kalaallit Nunaannut atuutilissasoq ataani taaneqartutut:

Kapitali 1

Qularnaveeqqusiiinermut aninggaasaateqarfip inissisimanera, siunertaa inatsisillu atorneqarfissaa

§ 1. Ajoqusernernut sillimmasiisarfinnut qularnaveeqqusiiinernut aninggaasaateqarfik (Fonden)
namminersortuovoq imminut ingerlattoq.

Imm.2. Fondi § 5 naapertorlugu qularnaveeqqusiiinermut akiliissaq, ajoqusernernut sillimmasiisarfik
toqqaannartumik taarsiartoq, Finanstilsynimit sillimmasiinermik ingerlatsivittut akuerisaasimasoq,
akiliisinnajunnaartutut nalunaarutigineqarpat.

§ 2. Fondip taakku § 1, imm.2-mi taaneqartut Kalaallit Nunaanni Danmarkimilu sillimmasiisarfiiit
ingerlatsinerat qularnaveeqqusissavai.

Kapitali 2

Akiliisussaatitaaneq akiliutissallu aalajangersarnera

§ 3. Taakku § 1-imi sillimmasiisarfiiit taaneqartut Fondimut ilaasortaassapput akiliuteqartassallutilu.

Imm.2. Fondip pigisai minnerpaaffeqassapput 300 mio. kr-nik.

Imm.3. Sillimmasiisarfiiit Fondimut akiliinissartik pisussaaffigaat. Finanstilsyni ukiut tamaasa
policemut ataatsimut atuisartut sillimmasiisarnerisa iluanni aki sillimmasiisarfiiit akilertagaannut
aalajangikkamik annertussusiliisarpoq, takuuk imm.6.

Imm.4. Juulip aallaqqataa nallertinnagu Finanstilsynip policep ataatsip akia nalunaarutigissavaa,
ukiup tullissaanut sillimmasiisarfiiit akiiliutissamik naatsorsornissaannut atugassaat.

Imm.5. Fondi danskit naalagaaffiat qularnaveeqqusiiisoralugu atorniarsinnaavoq.

Imm.6. Finanstilsynip sillimmasiisarfiiit Fondimut akiliutissaannik aamma sillimmaseeriaatsit sorliit
akiliisussaaffeqarnermi pineqarnerat pillugu malittarisassanik ersarinnerusunik aalajangersaassaaq.

Imm.7. Økonomi- og erhvervsministeri imm. 2 naapertorlugu Fondip pigisaasa annertussusissaannut
piumasqaammik allanngortitsisinhaavoq.

Imm.8. (Kalaallit Nunaannut atuutilersinnejanngilaq.)

§ 4. Sillimmasiisoq, Fondip pigisaasa 300 mio.kr-nngornissaasa tungaannut, sillimmasiinermut isumaqatigiissumminik unitsitsisinnaanngilaq, pissarsiaassat taamaallaat Fondimut akiliutitut atorneqartussaasut, annerulernissaat peqqutigalugu.

Imm.2. Økonomi- og erhvervsministerip periarfissaqarnini atornerluppagu piumasaqarluni Fondip pigisai 300 mio kr.-nit piumasaqataasunit annerussasut, imm.1 assinganik atorneqassaaq.

Kapitali 3

Qularnaveeqqusiiiffiit piumasaqaatillu nalunaarutigineri

§ 5. Fondip taarsiiffinginneqquisissutit qularnaveeqqusissavai, ajoqusernermut sillimmasiisarfip akiliisinnajunnaarnerata kinguneranik qularnaveeqquseqqanngitsut, makkununnga:

- 1) Sillimasiinkut nammineq pigisaminngut (atuisartut sillimmasiisarneri),
- 2) Pingajuusutut inisisimasut, sillimmasersimasut inuit imaluunniit atortut ajoqusernerinut motorinut akisussaaffeqarnermut sillimmasiinerit malillugit,
- 3) Pingajuusutut inisisimasut, sillimmasersimasut inuit ajoqusernerinut akisussaaffeqarnermut sillimmasiinerit malillugit,
- 4) Ataatsimoorluni sillimmasiinerit, sillimmasiinerup sumut atasuunera apeqqutaalluni annertussusaata inunnut ataasiakkaanut imaqassussaa tunngavigalugu, aammalu
- 5) Illuutit ikuallannermut ajoqusernerannut illuutinut assigiinngitsunut tamanut.

Imm.2. Fondip taarsiissuteqarfiginneqquisissutit qularnaveeqquteqanngitsut qularnaveeqqusissavai, sillimmasiisarfip akiliisinnajunnaartutut eqqartuuivikkut aalajangerlugu nalunaarutigineqarnera sioqqullugu pisimasut aamma sapaatit akunneri sisamat kingorna aningaasanik paarsisussanngortitap (kurator) akiligassaqarfingineqartut sillimmasiisarfip akiliisinnajunnaarneranik nalunaarfigineraniit, takuuk § 124 Kalaallit Nunaannut akiliisinnajunnaarnermut inatsisip atuutilernera pillugu peqqussut.

Imm.3. Fondip pissarsiaassat qularnaveequsissavai, akiliisinnajunnaarnerup eqqartuuivikkut aalajangerlugu nalunaarutigineqarnera sioqqullugu akilerneqarsimasut, ajunaaruteqarsinnaanermulli namminneq policemut ataatsimut 1000 kr-mik annaasaqarsinnaassusilinnut (selvrisiko).

Imm.4. (Kalaallit Nunaannut atuutilersinnejanngilaq.)

Imm.5. Fondip taarsiissuteqarfiginneqquisissutit pissarsiaassallu sillimmasiisarfiiit pineqartut pisortaasa siulersuisuisalu pissaat qularnaveequseqqanngilai.

§ 6. Taarsiissuteqarfiginneqquisissutit, Fondimit qularnaveeqquserneqarnissaat kissaatigineqartut, sulilu sillimmasiisarfimmut, akiliisinnajunnaartutut nalunaarutigineqarsimasumut, allatsinneqanngitsut, piaarnerpaamik Fondimut nalunaarutigineqassapput kingusinnerpaamillu akiliisinnajunnaarnerup eqqartuuivikkut aalajangerlugu nalunaarutigineqarneraniit qaammatit arfinillit kingorna. Taarsiissuteqarfiginneqquisissutit, sillimmasiisarfimmut akiliisinnajunnaartutut nalunaarutigineqartumut allatsissimasut, akiliisinnajunnaarnerup eqqartuuivikkut aalajangerlugu nalunaarutigineqarnera sioqqullugu allatsissimasut, Fondimut nalunaarutigineqarsimasutut isigineqassapput.

Imm.2. Fondip imm.1-imi killiliussaq taaneqartoq innersuussutigalugu pissaqartumut akiliutissanik tunniussaqarumanngissinnaanngilaq, takuuk § 5, pissaqartumut piffissaagallartillugu taarsiissutit utertillugit tiginissaannut pisinnaatitaaffeqarnerminik nalunaarutiginnissinnaasimanngitsumut.

Kapitali 4

Fondimit akiliinerit

§ 7. Fondimit akiliinerit piaarnerpaamik pisassapput kingusinnerpaamillu piumasaqaatip nalunaarutigineqarneranit qaammatit pingasut qaangiunneranni. Fondi, piumasaqaatip nalilernissaanut tunniussassallu annertussusissaata aalajangernissaanut, paasissutissanik pisariaqartunik pissarsisinnaasimanngikkuni, immikkoortut 1-ianni piffissaliussap ingerlanerani Fondip sillimmasersimasoq nalunaarfigissavaa, paasissutissat suut Fondip aassariaqarnerai.

Imm.2. Fondimit qinnuigineqarnerup kinguneranik Finanstilsynip piffissaliussaq imm.1-imi taaneqartoq sivitsorsinnaavaa.

Kapitali 5

Tamanut nalunaarutiginneq

§ 8. Akiliisinnaajunnaarnerup eqqartuusivikkut aalajangerlugu nalunaarutigineqarnerata kingorna piaarnerpaamik Finanstilsyni Atuagagdliutit/Grønlandspostenikkut makkuninnga nalunaaruteqassaaq:

- 1) Sillimmasiisarfiup akiliisinnaajunnaarnera,
- 2) Sillimmasiinerit qularnaveeqqutaasa atorunnaarnerat,
- 3) Inatsisit tunngavigalugit sillimmasernissat piumasaqaatitllit nutarterneri aamma sillimmasiinerit taakkununnga assersuunneqarsinnaasut, aammalu
- 4) Fondimut taarsiissutiginneqqusissutinik nalunaarnerit, takuuk § 6, imm.1, aamma nalunaarutiginninnerit sumut ingerlatinneqassanersut.

Imm.2. Paarsisussangortitap (kurator) nalunaarummi tassani, pissaqartumut nassiunneqartumi § 124, imm.1 naapertorlugu, Kalaallit Nunaannut akiliisinnaajunnaarnermut inatsisip atuutilernera pillugu peqqusummi, sillimmasiisut ajutoorsimasullu makku pillugit paasitissavai:

- 1) Fondip pissarsiassat utertillugit akilissagai, ajunaaruteqarsinnaanermullu namminneq policemut ataatsimut 1000 kr-mik annaasaqarsinnaassusillit (selvrisiko) akiliisinnaajunnaartumut nalunaarutigineqarnissaat, takuuk § 5, imm. 3,
- 2) Fondip taarsiissutigeqqusat akiliisinnaajunnaarnerup eqqartuusivikkut aalajangerlugu nalunaarutigineqarnissaa sioqqullugu nalunaarutineqarsimasut taarsiissutitai akilissavai, takuuk § 6, imm.1, immikkoortut 2-at,
- 3) Taarsiissutiginneqqusissutit nalunaarutigineqarnissaat § 6, imm.1, immikkoortut 1-iat malillugu, aamma
- 4) Fondip najugaqarfia, taarsiissutinik piumasaqarnermi nalunaariartorfissaq.

Kapitali 6

Taarsiiffiginneqqusissutit (Regres)

§ 9. Fondi ilanngutissaq, qularnaveeqqusiisimanermi annertussusaa naapertorlugu, sillimmasiissutinik tigusisussap imaluunniit sillimmasesimasup sillimmasiisarfimmut akiliisinnaajunnaarnikumut piumasaqaataannut.

Imm.2. Aningaasat, akiliisinnaajunnaarnikup sillimmaseqqinnerani qularnaveeqqusiinermut atasut, Fondip piumasaqaataanut qularnaveequtit atorneqassapput, Fondi taarsiissutinik akileereerpat, sillimmasiisarfitt sillimmasiiffingeqaqqittut akiliutaaneersunik. Piumasaqaallli illuartinneqassaaq pisassanut taaneqartunut §§ 93 aamma 94-imi Kalaallit Nunaannut akiliisinnaajunnaarnermut inatsisip atuutilernera pillugu peqqusummi, pisassat akiliisinnaajunnaarnikup pigisaanit allanit akilerneqarsinnaannginnerata annertussusaa apeqquataalluni.

Kapitali 7

Fondip aqutsisui allaffissorneralu

§ 10. Fondi aqunneqassaaq siulersuisunit tallimanik ilaasortaqaartumit, økonomi- og erhvervsministerimit toqqarneqarsimasunit. Ilaasortat sinniisussallu ukiunut pingasunut qinigaasassapput.

Imm.2. Siulersuisunut ilaasortat inatsisinik, sillimmasiinerit teknikkertaanut naatsorsuusereriaatsinullu ilisimaqartuussapput.

Imm.3. Siulittaasumut imaluunniit siulittaasup tullianut toqqarneqarsinnaanngillat inuit, sillimmasiisarfimmut ima attuumassuteqartigisut imaluunniit aqunneqarneranut ima akuutigisut, taassuma Fondillu aqunneranni soqutigisat aporaassinnaannerat pilersinnaalluni.

Imm.4. Aalajangiinerit pisassapput nalinginnasumik amerlanerussuteqarnikkut.

§ 11. Fondip malittarisassai siulersuisullu suliassaasa aaqqissorsimancerat (forretningsorden) Finanstilsynimit akuersissutigineqassapput.

Imm.2. Malittarisassat naatsorsuutit kukkunersiuinerillu tunniunnerannut aalajangersakkanik imaqassapput.

§ 11 a. Fondip pigisai ersarinnerusumik Fondip Danmarks Nationalbankillu akornanni isumaqatigiissuteqarnerup kingorna Danmarks Nationalbankimut paarisassanngorlugit ikineqassapput.

§ 12. Siulersuisut pisariaqartitaminnik ikiortissarsiussapput ullorsiutillu ukiuata qaangiunnerata kingorna qaammatit pingasut qaangiutsinnagit Fondip ingerlatsinera pillugu ukiumut tassunga naatsorsuutinik nalunaarusiamillu Finanstilsynimut tunniussissapput.

§ 13. Fondip allaffissorneranut aningaasartuutit Fondimit akilerneqassapput.

Imm.2. Fondi Finanstilsynimut akitsummik akiliisassaaq. Akitsuut aningaasarsiornikkut ingerlatsiviit pillugit inatsimmi kapitali 22 malillugu aalajangerneqartassaaq.

§ 14. Fondip Finanstilsyni ilisimatissavaa, sillimmasiisarfiup Fondimut ilaasortatut suliassatut pisussaaffimi eqquutiniissaat suliarinngippagit.

Imm.2. Finanstilsynip sillimmasiisarfiup ingerlatsinissaminut akuersissutaa utertissinnaavaa, sillimmasiisarfiup peqqusummi malittarisassat malinngippagit, malittarisassat peqqusummi imaluunniit Fondip malittarisassiaani sananeqarnikusut.

Imm.3. Sillimmasiisarfifit ukiumut naatsorsuutit tunniunnerinut atatillugu, akiliutit akilerneqarsimasut eqqortumik naatsorneqarsimanerat pillugu, kukkunersiuismiit naalagaaffimmit akuerisaasimasumit imaluunniit nalunaarsorneqarsimasumit nalunaarut ilanngullugu Fondimut nassutissavaa.

Imm.4. Imm.3 apeqqutaatinngagu sillimmasiisarfik, ukiumoortumik qularnaveeqqusinermutt aningaasaateqarfimmuit akiiliutip annertussusaata 50.000 kr.-t qaangeqqanngippassuk, taamaallaat sillimmasiisarfiup akisussaasuullutik aqutsisuinit akiliutit akilerneqarsimanerat eqqortumillu naatsorneqarsimanerat pillugu nalunaarummik Fondimut nassitsisinnaapput.,

Kapitali 8

Nakkutilliineq

§ 15. Finanstilsynip Fondi nakkutigissavaa. Finanstilsynip Fondillu pisariaqartut nailerneqarpat sillimmasiisarfinit pineqartunit paassisutissat tamaasa piumasarisinnaavaat qulakeerniarlugu, peqqussutip malittarisassai, malittarisassat peqqussut naapertorlugu sananeqarsimasut aamma Fondip malittarisassiaani aalajangersakkat malinneqarnerat.

Imm.2. Kalaallit Nunaannut aningaasarsionermik ingerlatsiviit pillugit inatsisitigut atuutilernera pillugu peqqusummi § 354-i assinganik Finanstilsynip una peqqussut malillugu nakkutilliineranut atuuppoq. Fondi Finanstilsynimut naleqqiullugu kisimi aappaasutut inissisimasutut isigineqarpoq.

Kapitali 9

Paasissutissanik ingerlatitseqqittarneq

§ 16. Fondip siulersuisuinut ilaasortat, kukkunersiusut, pisortat sulisullu allat, sulinerminnut atatillugu paasissutissat ilisimasaqarfigilersimasatik, pissutissaqartigatik ingerlateqqusaanngilaat imaluunniit paasissutissat avammut ingerlateqqusaanngitsut atornerloqquaanngilaat.

Kapitali 10

Naammagittaalliorzinnaaneq

§ 17. Akiliutit tunniunneqartussat pillugit Fondip aalajangigai Ankenævnet for Forsikringimut tunniunneqarsinnaapput, aalajangiinerup pineqartumut nalunaarutigineqarneraniit kingusinnerpaamik qaammatit pingasut qaangiunneranni.

Kapitali 11

Iliuuserisimasanut kinguneqartitsinermut aalajangersakkat

§ 18. Unioqqutitsinerit Kalaallit Nunaannut pinerluttulerinermut inatsit malillugu iliuuseqarfigineqartassapput, imaaliortumut

- 1) paasissutissanik imaluunniit paatsoorsaarutinik tunniussinermi imaluunniit nalunaarutiginninnermi, naatsorsuinermi imaluunniit taarsiissutigeqqusat akilerneqarneranni paasissutissanik oqaatiginninnginnersmi,
- 2) Finanstilsyni imaluunniit Fondi § 15 naapertorlugu paasissutissanik piumasarisaanik tunniussinnginnej eq imaluunnit allatut paasissutissanik Fondip nakkutiliineranut atorneqartussank paatsoortitsiniutinik tunniussinermi imaluunniit
- 3) § 16 –imut akerliusumik paasissutissanik allanut ingerlateqqeqqusaangitsunik atornerluineq pissutissaqaraniluunniit allamut ingerlatitseqqinnej.

Imm.2. Assinganik, sillimmasiisarfik, Fondimut ilaasortatut pisussaaffimminik eqquutitsinngitsoq assinganik pillarneqarluni iliuuseqarfigineqassaaq.

Imm.3. Unioqqutitsinerit, aktieselskabinit piliarineqartut, akiliisussanngortinneqarsinnaapput selskabip akisussaaffigisaanik.

Kapitali 12

Atuutilerneranut aalajangersakkat il.il.

§ 19. Peqqussut atuutilerpoq juulip 1-iat 2008.

§ 20. (Kalaallit Nunaannut atuutilersinneqanngilaq.)

§ 21. (Kalaallit Nunaannut atuutilersinneqanngilaq.)